

先天元精圖

精

杳杳冥冥 先天真種

用之不見 見之不聞

夫精者乃先天之元精為萬物之母得之則生失之則死故精住則炁住炁住則神住三者既住我命在我不在於天玉皇心印經云人各有精精合其神洞賓真人云精養靈根炁養神此

道藏輯要

道法心傳

三五 下昂集五

真真外更無真紫陽真人云竹破須將竹補宜覆雞須用卵為之萬般作用徒勞力爭得真鉛合聖機行雷之士須當斷淫絕欲保養元神鍊成金丹驅役雷霆禱雨祈晴治病降邪無施不可若曰抱炭之徒安敢與其同語也故薩真人云一點靈光便是符時人錯認墨和硃元精不散元陽定萬怪千妖一掃除保一真人曰符者陰陽契合之具惟天下至誠能用之誠苟不至自然不靈故曰以我之精合天地萬物之精以我之神合天地萬物之神精相博神相依所以假尺寸之紙關召鬼神不得不誠余心傳錄云法何靈驗將何靈不離身中精炁神精氣聚時神必在千妖萬怪化為塵